

DEILI DIVOSENAL

ISIU 2

Eprel
2021

GudNius

DEILI

FRI

I NO BLONG MAN I SALEM
OL PATNA BLONG MIFALA OLI
PEM DIVOSENAL IA FINIS SO
MAN I SAVE GIVIMAOT FRI

GUDNIUS WE I KAM LONG WAN KANTRI WE I STAP FARAWE, HEM I OLSEM KOLKOL WOTA LONG WAN MAN WE I TESTI (PROVERBS 25:25)

Uebert & BeBe
ANGEL



Become a **GoodNewsWorld** PARTNER



PARTNER NOW AND HELP SPREAD
THE **GOODNEWS** AROUND THE WORLD

VISIT www.goodnewsworld.com/partner



UEBERT & BEBE ANGEL

Wetem plante yia we tufala i bin spendem long fultaem ministri, Uebert mo BeBe tufala i ol feswan blong developem mo lidim ol vois we oli stap prokemem Gud Nius blong gres blong God (Gud Nius) mo ol profetik toktok raon long wol.

Bitwin tufala, tufala i ol raeta we nem blong tufala i stap insaed long ol list blong ol top raeta, mo tufala i raetem Spiritual Warfare, Intimacy, Prayer Banks, Supernatural Power of the Believer, mo ol narafala buk olsem. Ol man raon long wol oli stap askem Uebert and BeBe Angel blong toktok long ol konfrens, mo olsem ol wol lida, ol man oli lukluk antap long tufala from visen, fasin blong developem ol niu tingting mo karej blong tufala. Olsem ol faonda blong Gud Nius Jej (Spirit Embasi), mo folem wok blong tufala olsem profet, tufala i influensem laef blong milien man raon long wol tru long strong disaea blong winim ol sol tru long revelesen blong Gud Nius blong gres blong God (Gud Nius).



Jems 5:16

Preia blong wan raejes man we hem i rili kamaot long hat blong hem, hem i mekem se i kat bigfala paa [hem i kat enej].

Elaeja hem i bin wan man we i prei afta ol bigfala samting i bin hapen, be ol preia blong hem oli no bin pawaful. Hem i bin diklerem se bambae i no bin kat diu o ren kasem taem we hem i talem se bae i kat, mo God i singaotem hemia "wan preia we i kat ifek mo we hem i rili kamaot long hat." Hem i bin prei, "Letem boe ia i laef bakegen!" mo ded boe ia i kambak long laef. Fulap man bambae oli tekem se olketa preia ia oli no ol 'pawaful preia", be ol risal oli ol mirikel.

God i neva kivim paa long preia. Hem i kivim paa long Kristian we hem i olsem God we hem i stap prei. Tekem not se ves blong yumi tete hem i no talem se preia we hem i kamaot long hat mo we hem i kat ifek hem i mekem se i kat bigfala pawa, be hem i preia blong wan raejes man. Baebol i talem se, "Hamas man we oli risivim Hem, Hem i kivim paa long

olketa..." Preia hem i transpot blong paa: hem i distributum paa long ol eria we yu wantem se bae oli jenis. Yu kat paa insaed long yu we i mekem yu toktok. Prei wetem ful konfidens se yu nao yu wan we yu stap kivim paa long preia.

PROFETIK DEKLEREISEN

Mi mi fulap wetem Holi Spirit, mo paa blong Kraes we i raesap finis hem i stap insaed long mi. Taem mi rilisim ol toktok blong feit long preia, mi mekem se i kat bigfala paa blong jenisim wanem we i nid blong jenis!

MOA STADI

Jon 1:12; Jems 5:16 KJV

**Kolosens 2:14**

Hem i bin rabemaot hanraeting blong ol odinens we i bin akensem yumi, we i no bin stret blong yumi, mo hem i tekemaot long rod, Hem i neilem i ko long kros blong Hem.

Wan bigfala samting i bin hapen long taem we Jisas i pulum las win blong Hem long kros blong Kalvari. Long taem ia, taem we oli ofarem hem i ko olsem sakrifaes we i nokat stein, Lamb blong God we i nokat blak mak long hem, evri rikod blong sin blong ful wol hem i kamaot. Yu mo mi yumitu no bin stap long dei ia we Hem i bin ded, yet Hem i bin ded from evri sin blong ol man long wol. Hemia i inkludim ol man we oli bin liv bifo Hem i bon, olketa we oli bin laef long taem ia, mo evriwan we bambae oli laef afta long taem ia. Hem i bin wan taem we i no bin kat eni sin long wol. Traem tingbaot hemial!

Yu mo mi nao yumi sapos blong hang long kros olsem wan penalti blong ol sin blong yumi. Jisas i no bin kat eni sin we Hem yet i mekem blong oli panishim hem from. Be hem i tekem long Hemwan wanem we jastis i rikwaerem

from ol sin we oli stap long rikod blong yumi. Naomia i nomo kat eni penalti blong yu blong pem olsem panishmen. Pruf blong eni samting we bambae yu mekem, tingting, o talem we hem i rong, Jisas i karemaot ia wantaem mo foeva. Oli nomo save holem wanem we yu bin mekem bifo yu bin save Kraes, o wanem we bambae yu mekem, akensem yu. Kraes i fokivim yu – pas, presen, mo fiuja. Jisas i bin pem evriwan, haleluya! Hemia hem i naesfala Gud Nius!

PROFETIK DEKLEREISEN

Mi mi no wan sina we greis i sevem mi. Mi wan bran-niu kriaisen long Kraes Jisas. Mi nokat rikod blong ol rong samting. Sin kaon blong olfala laef blong mi Kraes i pemaot fulwan, mo mi no kaon long eni samting! I nokat rikod blong ol rong we oli save yusum long ol kot long Heven akensem mi. Glori i ko long God!

MOA STADI

1 Korintiens 15:1-4



Kolosens 2:15 Weymouth

Mo ol prins mo rula we oli stap kroskros long Hem, Hem i shekem olketa aot long Hemwan (oli adem emphasis), mo wetem karej hem i soem olketa olsem ol man we Hem i winim long faet, we taem long Kros hem i bin kat viktri ova long olketa.

Afta we Jisas i ded long kros, Hem i bin jalenjem devel wetem ol sapota blong hem long teritori blong olketa wan mo i winim olketa. Devel i no save kompit wetem Hem from se i nokat eni samting we Jisas i mekem we devel i save yusum akensem Hem. 'Devel' hem i no wan nem. Hem i wan job diskripsen. Hem i minim man we hem i stap sakem samting evritaem kasem taem we hem i stikim i ko tru. Devel hem i spesialaes long wok blong harasem tingting. Eim blong hem, hem i blong fulumap maen blong yu wetem ol kiaman kasem taem we hem i ko tru long ol tingting blong yu. Mo tu 'Setan' hem i no wan nem. Hem i minim nomo se akiusa. Eni ples we i kat ol akiuseisen, Devel i stap wok ia.

God hem i neva akiusum yu. Be long narafala saed, tru long pefek sakrifaes blong Jisas Kraes, Hem i bin mekem evrisamting we i nid blong mekem blong mekem se yu save lif wan laef we i fri long kilt, shem, mo kondenneisen. Semak olsem we Jisas i bin shekem aot devel mo ol sapota blong hem, shekemaot evri treis blong kilt we akiusa hem i stap traem blong pulum yu daon wetem. Wokbaot long fridom blong laet blong lav blong God long yu we i neva jenis.

PROFETIK DEKLEREISEN

Lav we mi kasem hem i nokat kondisen long hem mo mi kasem ful fokivnes. Mi liv wan laef we influens mo paoa blong hem i stap ko antap oltaem from se Kraes we hem i kasem viktri finis hem i liv insaed long mi. Mi wokbaot long laet blong lav blong God mo mi nokat fraet, daot, o kondenneisen. Mi stap tek ova long ol teritori mo winim ol neisen long wan dei, from se King blong evri eria hem i liv insaed long mi!

MOA STADI

Kaleisens 2:20



1 Korintiens 15:19-20

Sipos long laef ia nomo, yumi kat hop long Kraes, aot long evri man, yumi nao yumi miserebol aot long evriwan. Be from naoia Kraes i raesap finish long det, mo hem i fes frut blong olketa we oli bin slip.

Affa we Jisas hem i raesap long det, Hem i stap long Et ia blong wan narafala foti dei. Baebol hem i talem se moa long faev handred long ol brata mo sista blong hem oli bin luk hem long semak taem (luk 1 Korintiens 15:6). Hem i no bin talem se olketa evriwan oli bin stap long semak ples (Bae yu kasem hemia bihaen.) Yu luk, i kat wan samting abaot Jisas we hem i ko akensem odineri. Hem i iknorem intenel friksen blong mo molekula densiti blong wota mo hem i wokbaot antap long hem olsem se wota hem i simen. Hem i jenisim toti wota i ko long waen we i tes i mo kud bitim evri waen. Hem i bin mekem fulap narafala impoten mirikel we oli no bin rikodem long buk blong skripja. Mo aot long hemia we hem i ekstraodineri aot long evriwan, hem i resereksen long det.

Yu luk, sipos Jisas i neva bin raesap aot long det, bambae i nokat eni samting blong yumi tokbaot. Bambae yumi kat wan Kospel we hem i nokat paa. Be resereksen blong Hem i bin jenisim evrisamting. Hem i bin pruvum se i nokat paa we i save holem hem daon. Naoia semak spirit we i bin reisem Jisas long det hem i stap insaed long yu. Wanem nao i save holem yu daon? Raet long minit ia, yu stap raes. Maet yu no save filim, be hem i stap hapen. Hem i wan samting we i nokat samting i save stopem. Yu stap raes long influens, raes long ekselens, raes long feiva. Helt blong yu i stap raes. Bank balens blong yu i stap raes. Evrisamting abaot laef blong yu i stap ko antap. Wan dei, i no longtaem, semak olsem Jisas i bin raesap long grev mo i ko antap, yu tu bambae yu livim ded bodi blong Et mo raesap blong mitim Hem long ea. Oh haleluya! Man dei ia bambae hu i luk!

PROFETIK DEKLEREISEN

I kat wan paa we i ko akensem kraviti we i stap insaed long mi we i stap pusum mi i ko long ol level blong glori we i stap inkris i ko antap oltaem. I nokat wan samting i save draonem mi, stopem mi. Mi stap wokbaot long blesing, mi stap muv wetem spid blong Holi Spirit mo saksess blong mi bambae hem i kam.

MOA STADI

1 Teseloniens 4:16-18



Jon 10:27

Oi sipsip blong mi oli harem vois blong mi, mo mi save olketa, mo oli folem mi.

Medikol saens hem i bin pruvum se taem wan bebi hem i bon, hem i save harem save vois blong perens blong hem, espeseli blong mama blong hem. Iven taem bebi i stap long basket blong pikinini, vois blong mama hem i stap kamem bebi. Afta we pikinini hem i bon, bebi bambae hem i tanem hed blong hem i ko long peren we i stap toktok.

Olketa we oli blong God oli bon wetem najurol abiliti blong harem save vois blong Papa blong olketa. Oli konsivim yu long basket blong pikinini blong Wod, Holi Spirit, olsem mid-waef hem givhan long bet blong yu, mo God i bonem yu. Semak olsem we wan bebi we i bon long wan najurol wei hem i familia wetem vois blong peren blong hem from hem i stap harem vois blong olketa oltaem, yu tu yu kam familia wetem vois blong Papa blong yu long heven taem yu stap lisen long mo ridim ol Wod blong Hem plante taem olsem we i posibol. Yu save vois blong Hem.

PROFETIK DEKLEREISEN

Mi mi fevoret pikinini blong God. Mifala i kat rileisensip we hem i bitim eni rileisensip, mo Hem i toktok long mi evrdei. Konfusen hem i no pat blong laef blong mi – mi save vois blong Papa blong mi mo mi folem hem.

MOA STADI

Jon 10:27-30; 1 Jon 4:17

**Matiu 16:13, 15-16**

Taem Jisas i kam long ol sho blong Caesar-
ea Philippi, hem i bin askem long ol disaepol
blong hem, hem i se Hu nao ol man oli stap
talem se mi mi Pikinini blong man, mi hu?...
Hem i talem long olketa, Be yufala talem se
mi mi hu? Mo Saemon Pita i ansa i se, 'Yu yu
Kraes, Pikinini blong living God.'

"Mi no kea long tingting blong man." Hemia
hem i atitud we sam Kristian oli kat. Olketa oli
biliv se from se olketa oli ol Kristian, ol tingting
blong ol narafala man oli no impoten. Be iven
Jisas i bin askem "Wanem nao ol man oli stap
talem abaot Mi?" Taem Jisas i askem kwesten
ia, Hem i no bin stap lukaotem "ol laek", o i
stap wet blong ol tingting blong ol narafala
man blong i difaenem hu ia Hem. Hem i bin
askem, be Hem i save stret hu ia Hem.

Onli taem we ol tingting blong ol narafala
man oli no impoten hem taem we yu stap yu-
sum ol tingting ia blong difaenem hu ia yu. Be
olsem wanem ol narafala man oli tingting long
yu—imej we yu stap soem—hem i impoten. Yu

yu Kras taem yu wokbaot, toktok, kakae, werem klas. Letem evisamting abaot yu
hem i riflektem God-kaen fasin blong yu blong mekem se ol narafala man bambae
oli save luk imej blong Kraes long yu.

PROFETIK DEKLEREISEN

**Mi wan ambasada blong Kraes: Mi ripresentem Kingdom blong God long
Et. Mi mi royalti, bes wan. Mi karem God evri ples mi ko. Mi mi God-kaen!
Glori i ko long God!**

MOA STADI

Reveleisen 1:5-6



2 Peter 1:3

Hem i kivim tolem divaen paa blong hem evrisamting we i aplae long laef mo godlines, tru long nolej blong him we hem i bin singaotem yumi long glori mo hae moral laef.

Wan Kristian we hem i stap lukaot wan mirikel hem i olsem wan bilionea we i rij long kash afta i stap lukaot wan wok. Hem i no nesesei. Blong talem stret, hem i wan kraem blong wan Kristian i lukaot wan mirikel. Eim blong ol mirikel oli no blong yu. Plan blong God hem i bin mo hem i blong yu aksesem mo manejem ol risos we Hem i kivim finis long yu. Bodi blong yu hem i wan risos. Maen blong yu hem i wan risos. Infomeisen hem i wan risos. Akses hem i wan risos.

Hemia hem i wan stret taem blong kaontem ol risos we God i bin kivim long yu. Risos blong yu we hem i bigwan bitim evri risos hem i Wod blong God, from insaed long Wod ia bambae yu faenem evrisamting we i mekemap yu mo evrisamting we yu kat. Evrisamting we bambae yu nidim long laef ia oli rapemap insaed long Wod. Luksave mo manejem gud ol risos

blong yu, mo bambae yu neva nidim wan mirikel long wan narafala dei long laef blong yu.

PROFETIK DEKLEREISEN

Mi kat evrisamting mi nidim blong liv wan laef we i fulfil mo i ovafla wetem blessing. Mi mi kompliit: i nokat wan samting i lus, i nokat wan samting i brok. Mo mi wan feifful seven ova long evri risos we God i bin kivim long mi.

MOA STADI

Efisiens 1:17



1 Korintiens 13:7 AMPC

Lav i no save letem eni samting i daonem ting-ting blong hem, hem i redi blong bilivim bes saed long evri man ...

Yia ia hem i yia blong God-kaen, wan yia we bambae olketa we oli spirijuel bambae oli raes i ko ova long ol difikolti mo ol problem we ol narafala man bambae oli fesem. Yu mas wokbaot long Spirit. So, hem i impoten se yu mas wokbaot long lav long yia ia. Redi blong ko akensem evri ofens. I no nid blong yu kompromaesem lav wokbaot blong yu from wan ofens.

Skripja blong yu blong tete hem i enkarejem yumi blong redi oltaem blong bilivim bes saed blong evri man. Hem i stap talem se bambae olketa oli akt long bes wei. Be yu redi blong bilivim se bambae oli mekem. Nomata sipos i hapen se oli no mekem samting long bes abiliti blong olketa, hemia hem i no poen. Poen hem i se yu stap ekspektem bes insted long wos. Hemia hem i wanem we lav i stap mekem. Hemia hem i neja blong God insaed long yu. Yu no stap traem blong mekem hemia. Hemia

hem i hu ia yu. Lav hem i DNA, neja mo karakta blong yu.

PROFETIK DEKLEREISEN

Mi lukluk wetem ol ae blong God, mi luk bes saed blong evri man. Mi stap kolektem mo kivimaot greis. Neja blong mi hem i neja blong God, mo mi wokbaot weetem Spirit blong lav. Mi lavem man from se mi wan lava.

MOA STADI

Filipians 2:13

**Ifisiens 3:20**

Paoa ia blong hem, we i stap wok long tingting blong yumi, hem i save mekem ol bigbigfala wok long laef blong yumi we i bitim mak olgeta, mo i antap moa long olgeta samting we yumi stap askem long hem, mo we yumi stap tingbaot.

Wan king blong Saedi Arabia hem i bin invaetem wan profesenal golf pleia blong spendem sam taem blong plei golf wetem hem. Hem i sendem wan praevet jet blong ko pikimap hem mo hem i bin spendem wan wik wetem King, tufala i stap plei golf evridei. Taem visiteisen taem blong hem i finis, king ia i wokem talem se bambae hem i kivim wan presen long golf pleia mo mo i askem hem wanem hem i wantem. Golf pleia ia i tingting smol finis afta i se, "Bambae i naes sipos mi kat wan golf klab". King i bin akri blong sendem i ko long hem afta we hem i kasem haos. Taem hem i flae i ko bak hom, golf pleia ia i stap deidrim se hem i stap swingim niu golf klab blong hem long kras. Afta we wan wik olsem i pas, wan mesenja hem i araev wetem wan pakej. Pakej ia king i sendem be hem i saes blong wan envelop. Taem golf pleia ia i openem envelop, i

tru se wan faev-handred-eka golf klab i stap insaed.

Kanselem ol drim blong yu. Oli smol tumas. God blong yu hem i bigwan tumas. Hem i no stap wok long teritori blong ol averej laef. Hem i spesialaes long "ol samting we i bitim mak olketa" we yu save askem, bifo yu iven tingbaot. Hemia nao hem i Gud Nius! Stat tingbaot ol samting ia we yu wantem kasem, ol samting we hem i bitim abiliti blong yu blong yu kasem long human paoa blong yu. Yu luk. Yu Diklerem. Tekem ol step blong kasem, mo wajem God i ko bitim ol ekspekteisen blong yu. Yu yu bes kandidat blong wan drim we hem i saes blong God.

PROFETIK DEKLEREISEN

Mi mi globol tumas blong mi lokol. Mi tingting bigwan! Mi luk wanem ol narafala man oli no luk. Potensel blong mi i nokat en blong hem. Mo tru long Spirit blong God, mi tekem evri janis. Mi luk manifesteisen blong ol drim we oli saes blong God long laef blong mi. Haleluya!

MOA STADI

Romans 8:32

**Romans 5:8**

Be God i lavem yumi tumas, mo i soemaot samting ya long yumi long fasin ya we Kraes i ded blong sevem yumi, long taem ya we yumi stap mekem i nogud yet

Yu save se valiu blong yu hem i 45 milien dola? Naoia, sipos yu wantem salem hat blong yu long US long wan wei we i folem loa, oli save pem long \$1 milien. Liva blong yu nomo valiu blong hem hem i haf milien U.S dola. Hemia hem i sapos blong kivim yu wan tingting abaot valiu blong yu. Hem i no ol disaena klos we i kivim valiu long yu, no! Yu nao yu kivim valiu long wanem we yu werem, wanem yu draevem, wanem yu kakae, weaples yu liv mo wanem yu mekem.

Wan man i talem se, "Sipos yu no save pem tu taem, yu no save afodem." Nomata sipos yu no save pem wanem samting ia we yu wantem, hem i no min se yu nokat valiu blong kasem samting ia. Stat blong jenisim lukluk blong yu mo luksave se yu nao yu wan we yu kat valiu. Yu karem God! Toktok olsem man we i kat valiu. Wokbaot long hemia. Lukluk long

mira mo talem long yuwan se, "Mi mi wan man!" Tingting olsem ia kasem rialiti blong yu i stat blong jenisim evisamting abaot laef blong yu. Yu wan God-kaen!

PROFETIK DEKLEREISEN

Evri dei, mi stap inkrisim valiu blong mi tru long ol raet toktok, raet nolej, mo raet fasin blong tingting. Mi mi wan saksas. Bambae mi neva feil long laef ia. Mi wan ovakama, mi bitim wan konkara, mo mi stap win long laef blong Glori i ko long God!

MOA STADI

Kolosens 1:27

**Ifsiens 1:13-14**

Man we yu bin trastem tu, afta we yu bin ha-rem wod blong trut, kospel blongn salveisen blong yu: man ia tu e afta yu bin biliv, Holi Spirit blong promes i bin silim yu, we hem i enes inheritens kasem taem we ridemsen blong samting we oli pem hem i bin tek ples, long preis blong glory blong hem.

Wan penting we Pablo Picasso i pentem oli salem long wan oksen blong \$179.4 milien U.S dola, wan amaon we i brekem rikod. Wan penting we valiu blong hem i olsem hem i save kos araon \$60,000 blong pakem mo ship-im nomo. I no hemia nomo, be wan pis blong faen at olsem hem i isi blong i save ko bitim \$100,000 long wan yia blong insurum! Hemia hem i valiu we yumi putum long wan pis blong at we wan human bing i mekem. Hamas moa nao hem i yu?

Yu yu mastapis blong God we hem i bigwan moa bitim evrisamting, posesen blong Hem we hem i tresarem moa aot long evrisamting. Valiu blong yu i hae tumas kasem poen we God i tekemaot insurens polisi blong Hemwan long yu. Hem i bin silim yu wetem Holi Spirit

blong Hem blong karanti se yu risivim ful inheritens blong yu mo yu ko tru long laef long wan gudfala stael wetem kea mo proteksen we i bigwan bitim evriwan.

PROFETIK DEKLEREISEN

Mi mi mastapis blong God hemwan, lav we mi kasem hem i dip mo valiu blong mi hem i hae. Mi mi set apat blong kasem bes samting long laef. Holi Spirit hem i karanti blong saksen blong mi. Mi no save lus, hem i imposibol blong mi feil.

MOA STADI

Jems 1:18

**Aks 3:1**

Nao Pita mo Jon tufala tuketa i ko antap long tempol long haa blong prei, we hem i long namba naen haa.

Yu kat paa blong mekem wanem we ol saentis we oli impoten bitim evri saentis oli no save mekem. Yu kat paa blong jenisim taem. Taem hem i medel dei, hem i nomo 12 klok be lanj taem, taem we yu kakae lanj. Taem hem i 11 long naet, hem i taem blong slip nao, taem we yu ko long bed. Be taem yu prei, preia i tekem ful haa – nomata long wanem haa yu stap long hem – mo i transpotem yu i ko long spirijul wol. Naoia hem i kam haa blong preia.

Pita mo Jon oli luksave se oli bin kat paa blong jenisim taem. Evri dei olketa oli transformem 3 PM i ko long "haa blong preia." Ol man ia oli andastanem se preia hem i kalja blong ol sitisen blong Kingdom. Evri muv blong Spirit hem i tek ples after long preia. Taem yu wantem ko moa dip insaed long ol samting blong Spirit, preia hem i onli rod blong folem. Yia ia bambae yu wokbaot long wan wol blong spirit we yu neva bin save. Wol ia ol man

blong preia nomo oli save ko insaed long hem.

PROFETIK DEKLEREISEN

Preia hem i kalja blong mi. Mi spendem taem long preia evri dei wetem Divaen Toktok. Hem i toktok long mi, mo mi risivim ol strateji we bambae i tekem mi i ko antap long saksas. Mi stap liv folem wan difren set blong ol tul. Mi no fraet long eni samting from se mi ovakamem evri problem long preia, longn Nem blong Jisas!

MOA STADI

Aks 4:31, 33

**Asaia 6:5**

Afta mi talem, mi harem nogud we! Mi nogud olketa; from se maot blong mi i toti, mo mi stap liv long medel blong ol man we maot blong olketa i toti: from ol ae blong mi oli bin luk King, Lod blong ol ami.

Wan man blong preia hem i wan man we i kat gud karakta. Profet Asaia i bin luk wan visen blong God long ful glori blong Hem mo i bin krae aot, "Mi wan man we maot blong mi i toti!" Enjel i tekem wan jakol we i bon mo tajem lips blong hem mo karakta blong hem i jenis. Festaem hem i wan man we "maot blong hem i toti" be afta hem i kam wan man we toktok blong hem i holi we i toktok olsem wan ambaseda blong Heven. Nekis samting we Asaia i talem hem i "Mi hemia. Sendem mi."

Preia hem i wan jakol we i laet we i klinimaot evisamting long toktok blong yu we hem i no klin. Taem yu toktok long God evri taem, yu stap trenem maot blong yu blong talem ol toktok we i fulap wetem greis... Preia hem i mekem toktok blong yu i swit. Mi dikri mo diklea, taem yu mekem preia hem i praeoriti, anointing we mi karem from preia hem i kam anointing blong yu, long Nem blong Jisas!

PROFETIK DEKLEREISEN

Ol sorae blong mi oli open blong harem vois blong God, mo maot blong mi hem i sisen wetem preia. Laef we mi liv long hem hem i God-kaen, mo taem mi toktok, hem i olsem se God i toktok. Evri problem i kamaot, mo evri maonten hem i kam flat. Mi diklerem laef blong mi i open naoia long Nem blong Jisas!

MOA STADI

Kolosens 4:6

**Aks 6:4**

Be yumi kontinu blong komitim yumiwan long preia, mo long ministri blong wod.

Rapja, we hem i taem we Jej i flae i ko antap long skae, i save hapen eni taem. Bambaem hem i hapen i no long taem. Be hemia i no min se hem i taem blong ritae mo tekem spel andanit wan kokonat tri samples mo wet kasem taem blong ko. Noaia hem i no taem blong slo daon. Hem i taem blong ko hariap moa. Sipos yu bin stap wet blong statem wan bisnis, taem blong mekem hem i noaia. Jisas i bin talem se yumi mas mekem wok, mekem bisnis, taem taem we Hem i kam. Instraksen ia hem i empaoamen blong yu blong yu kasem saksen long eni eria blong bisnis.

Baebol hem i talem se ol Apostol oli komitim olketa oltaem long preia. Oli putum ol narafala man blong tekem kea long ol narafala bisnis mo taem oli stap mekem, olketa oli mekem preia hem i wan bisnis. Hem i kam bigfala bisnis blong olketa, kopereisen blong olketa. Wetem evri niufala bisnis long yia ia, wan bisnis we hem i mas stap long top blong lis blong yu. Hemia hem i bisnis blong preia. Preia i save kam long Wod nomo. Mekem Wod hem

i standed blong laef blong yu. Wod we yu putum insaed hem i wanem we i wok. Taem wol i stap krae abaot risesen mo ol ekonomik problem, yu bambaem yu stap shaen long yia ia!

PROFETIK DEKLEREISEN

Mi wan fos we i had blong eni man o samting i daonem mi long eni bisnis from se preia hem i praemeri bisnis blong mi. Preia hem i brand blong mi, mi mi wan man we mi stap influensem brand. Taem mi prei, spirijool samting hem i kam najuro, mo mi stap ajjivim ol supanjuro, risal.

MOA STADI

Ifisiens 6:18



2 Korintiens 10:12

Yumi no fraem blong mekem yumiwan hae, o komperem yumiwan wetem sam we oli stap mekem se oli hae: be olketa oli stap putum mak blong makem olketa se hu i hae man mo hu i no hae man, mo oli stap komperem olketa wetem olketa wan bakegen. Olketa oli no waes.

God i singaot yu blong yu standaot, no fit in. Sakses blong yu hem i difrens blong yu, hem i no kam long ol similariti blong yu. Ol bos oli stap haerem ol man from ol difrens blong olketa mo oli sakemaot olketa from ol similariti blong olketa. Yumi evriwan yumi kat valiu, be difrens blong yu nao i mekem yu yu impoten. Evisamting abaot yu hem i sapos blong talemaot difrens blong yu: wei we yu tingting mo toktok, wei we yu akt, wei we yu dresap mo iven wei we yu toktok.

Yu yu no odineri; yu yu eksepsenel. Yu yu no komon; yu yu wan jiuwel we i rea we oli maenem stret long hat blong Papa. Divaen paa hem i otoraesem otentisiti blong yu. Neva

komperem yu wetem eni wan from se yu wan orijinel. Ol plan blong God blong yu oli ol plan blong yu mo oli no blong eni narafala man. God i krietem yu unik blong adem valiu long wol ia we i nokat narafala man i save mekem.

PROFETIK DEKLEREISEN

Mi stap wekap long rialiti blong gretnes blong mi mo abiliti blong mekem jenis long wol ia. Mi wan man we mi kat bigfala paa, mi kat bigfala fos, mi wan atmosfia. Mi putum mak blong mi we i klia evri ples we mi ko. Mi difren, mo mi mekem wan difrens!

MOA STADI

Jeremaea 29:11

**1 Timoti 1:7**

Nao God i no kivim wan spirit blong fraet long yumi; be spirit blong paoa, mo lav, mo wan maen we hem i gud.

Fraet hem i no oposit blong feit. Frait hem i feit we i konek i ko long rong sos. Taem man i harem toktok blong God, feit bambae hem i kamaot mo aktiveisen blong feit ia hem i dipen long toktok blong hu yu stap lisen long hem. Feit we God i kivim hem i kam taem man i harem mo kontinu blong harem mo folem Wod blong God. Semak nomo, feit we devel i kivim hem i kam taem man i harem mo kontinu blong harem mo folem ol kiaman toktok blong hem. Fraet hem i wan giff. Yu no mas risivim.

Maen blong yu hem i ril esteit we hem i ek-spensif moa. Evri tingting we i stap ko tru long maen blong yu, oli mas kwalifae blong stap longwe. No mas letem maen blong yu blong hem i fulap mo ovaflo wetem ol wari tingting we oli produsum fraet. Be long narafala saed, mekem evri tingting blong yu hem i kam wan preia poen. Preia hem i putum wan trup blong pis raonem maen blong yu blong protektem

hem akensem eni militari atak blong ol kiaman toktok blong enemi.

PROFETIK DEKLEREISEN

Maen blong mi i no letem fraet i kam insaed, from mi kat maen blong Kraes. Mi operet long paoa blong Holi Spirit we hem i Spirit blong lav. Evri fraet hem i kast aot, long maeti Nem blong Jisas, mo pis blong God hem i protektem maen blong mi.

MOA STADI

Filipiens 4:6-7



OSBORN INSTITUTE
of
THEOLOGY

CERTIFICATE & DIPLOMA

ENROL NOW FOR NEXT INTAKE

THE OSBORN INSTITUTE OF THEOLOGY FOUNDED BY PROPHET UEBERT ANGEL AND FULLY ACCREDITED BY TRANSWORLD ACCREDITING COMMISSION INTERNATIONAL, PROVIDES AN AWARD-WINNING ONLINE LEARNING PLATFORM THAT EQUIPS MEN AND WOMEN WITH THE REVEALED WORD OF GOD. OIT PREPARES MEN AND WOMEN TO SHARE AND BEAR WITNESS OF JESUS CHRIST TO THE CHURCH AND THE WORLD.

ENROL NOW AT WWW.OSBORNINSTITUTE.COM



LEARN HOW TO BECOME A
MILLIONAIRE
3 - 8 MAY 2021



**MILLIONAIRE
ACADEMY**

WITH UEBERT ANGEL

REGISTER NOW AT

WWW.THEMILLIONAIREACADEMY.ORG



1 Korintien 3:9

From yumi ol wokman tuketa wetem God ...

Ol pasta, i no evriwan long olketa we koling blong olketa hem i blong pastarem wan jej. Sam oli kolem olketa blong oli pat blong wan sapot netwok blong wan man we hem i kat otoriti mo visen we oli bigwan bitim evri otoriti mo visen blong hemwan. Wei we i moa kwik blong kat mo kasem wan visen we hem i bigwan moa bitim blong yuwan hem i blong yu patna wetem wan man we visen blong hem hem i bigwan moa bitim blong yuwan.

Patnaship hem i kivim yu akses long wan netwok we hem i bigwan moa, i moa kwik, i kivim wan konektiviti we i moa gud mo kwaliti blong hem i moa gud. I nomo nid blong yu wanda kranke tru long laef, stap wet blong yu kam klosap long raet tawa. Yu save prei mo talem se eni samting we man o woman blong God we hem i blong mi, hem i stap mekem, mi tu mi wantem se God bae i yusum mi long semak wei, from se yu yu pat mo pis blong semak komisen. Yu konek wetem olketa.

PROFETIK DEKLEREISEN

Long yia ia, bambae mi wok insaed long Haos blong God, blong kivim samting i ko long Haos blong God, blong kivim risos i ko. Mi dikri mo diklea se laef blong mi i stap ko tru long wan biutifikeisen proses. Bigfala greis oli kapsaedem i ko long laef blong mi. Mi stap inkris kwik we kwik mo mi no stap feil, long Nem blong Jisas!

MOA STADI

1 Samuel 30:24

**Hibrius 4:16**

Letem yumi kam wetem karej long tron blong greis, blong yumi save kasem mesi, mo faenem greis blong helpem yumi long taem blong nid.

Level blong joe mo viktri long laef blong yu olsem wan biliva hem i semak long level blong rijnes blong greis we yu risivim. Sam oli bin tekem greis we i moa bigwan bitim greis we sam narafala man oli risivim. Sipos man i pikjarem greis olsem wan solwota we i nokat en blong hem, sam oli kasem makas blong hem nomo; ol narafala wan oli risivim ol baket, barel o tanka blong greis. Some oli neva iven visitim solwota blong greis ia. Be afta i kat olketa we oli risivim olsem we Baebol i singaotem se "greis we i kapkapsaed".

Yu wantem hamas greis? I kat greis blong enisamting mo evisamting. Greis hem i abiliti blong God we hem i stap ovaflo long laef blong yu. Greis hem i glori blong God we i stap wok blong yu. Evisamting we God i kivim long yu hem i kam tru long greis. Kraes hem i me-

kem yu raejes, we hem i kivim yu raet blong aksesem wanem kaen greis yu nidim, weaples we yu nidim. Makas o baket, iven tanka hem i no blong yu. Evri greis hem i avelebol long yu. Plakem yuwan long wan pemanen wei i ko long solwota blong greis we i nokat en mo kolektem hamas we yu nidim.

PROFETIK DEKLEREISEN

God i kivim raejesnes blong Hem i kam long spirit blong me. Mi mi raejes semak olsem we Jisas i raejes from se raejesnes blong Hem oli bin kivim long mi. So, mi kat wan raet long evisamting we Hem i kat raet long hem. Wetem karej, mi kolektem wanem we mi nidim. Greis i stap kapkapsaed long laef blong mi. Haleluya!

MOA STADI

Romans 5:17

**Matiu 1:18**

Nao fasin we Jisas Kraes i bin bon long hem hem i bin olsem: Taem we mama blong hem Mary, Joseph hem i blokem hem, bifo tufala i bin stap tuketa, hem i faenem se Holi Spirit i kivim pikinini long hem.

Sipos yu askem wan averej Kristian se hu ia hem i Papa blong Jisas, plante bambae oli talem se hem i God Papa. Be, skripja blong tete hem i talem long yumi klia se Holi Spirit i bin kivim bel long Mary. Baebol tu i talem se yumi ol Kristian yumi bon long Holi Spirit. Hem i stamba blong yumi. Holi Spirit hem i involv long najurol mo spirijul bet blong yu. Job, hem i luk smol reveleisen ia insaed long Olfala Testamen taem hem i diklerem, "Spirit blong God hem i fomem mi mo win blong Olmaeti hem i kivim mi laef." (luk Job 33:4).

Holi Spirit hem i no jes bonem yu olsem wan niu krija long Kraes; yu yu stret imej blong Hem long wol ia. Taem ol man oli luk yu, oli luk Holi Spirit. Presens blong Holi Spirit i sapos blong mekem ol man oli kasem hiling. Aedentiti

blong Pita hem i miks wetem Holi Spirit kasem poen we taem we Ananaeas wetem Safaera oli bin kiaman long Pita, Baebol i diklerem se oli kiaman long Holi Spirit. Ol brata mo ol sista, i kat wan rialiti we yu mas wekap long hem. Yu yu no jes wan human bing nomo. Yu yu God we yu stap wokbaot mo toktok from Holi Spirit i stap insaed long yu. Yu yu wan god, yu bon aot long God-kaen.

PROFETIK DEKLEREISEN

Mi mi stret imej blong Holi Spirit long Et. Mi manifestem Holi Spirit long evri-samting we mi mekem. Jisas i bin talem se sipos yu luk Mi, be yu luk Papa finis ia. Mi talem se sipos yu luk mi, be yu luk Holi Spirit finis ia.

MOA STADI

Aks 5:1-10



1 Korintiens 4:15

From no mata we yu kat ten taosen instraka long Kraes, be yet yu nokat fulap papa: from long Kraes, mi bonem yu tru long kospel.

Sam man oli stap raorao se sipos i kat wan wei long God. Oli no klad taem oli harem ol toktok olsem hemia we Jisas i talem se, "Mi mi rod." Yet, sipos ol man ia oli lokemap olketa long wan rum affa wan man i singaot strong se, "Faea!" mo i poentem long olketa doa we oli raetem 'Faea Eksit', bambae oli no toktok se hemia hem i stret doa o no. Bambae oli fol-folem olketa nomo i ko long faea eksit. Bambae oli luksave se doa ia hem i akses poen blong seifiti blong olketa mo blong priseveisen blong ol laef blong olketa.

Long semak wei, sam man oli olsem ol doa—ol geit, long wan wei. Oli kivim yu akses, kaen akses ia we i no prisevem laef blong yu nomo be hem i propalem yu i ko long wan narafala level. Ol geit ia oli helpem yu blong avoedem denja mo sikurum wan laef we hem i moa gud. Long yia ia we hem i impoten tumas long saed blong God-kaen, hem i impoten se yu luksave ol geit blong yu mo yu honarem olke-

ta. Neva iknorem ol geit we oli save pusum yu i ko long ol daemensen we oli bigwan moa blong Spirit mo pusum yu i ko pasem ol baonderi blong wan averej laef.

PROFETIK DEKLEREISEN

Mi dikri mo diklea se mi luksave ol geit blong mi. Kontak lis blong mi i stap jenis. Oli stap pusum mi i ko long ol rum we oli moa bigwan wetem ol opo-tuniti we oli bigwan moa. Mi ovakamem evri adveseri, mo bambae oli no dinaem mi akses long yia ia, long Nem blong Jisas.

MOA STADI

1 Korintiens 16:9

**Eksodas 3:20**

Mo bambae mi strejemaot han blong mi, mo kilim Ijip wetem evri wanda blong mi we bambae mi mekem long medel blong olketa: mo affa long hemia bambae hem i letem yufala i ko.

Ol wei blong God oli difren olketa long ol wei blong wol. Wol i talem se moa samting yu tekem, moa samting yu kasem. God i talem se, moa samting yu kivim, moa yu risivim. Wanem we wol i singaotem wan problem, God i singaotem wan blessing. Hemia hem i bin wanem we i hapen wetem ol pleg long Ijip. Taem we God i instraktem Moses blong i ko daon long Ijip, Hem i talem se bambae hem i mekem "ol wanda" long medel blong olketa. Wanem we hem i wan wanda long ol man blong God oli ol pleg long ol man blong Ijip.

Taem blong naoia hem i ol rabis taem. Ol nesen bambae oli konfus. Iknorens bambae hem i ko antap. Ol new vaeras bambae oli kamaot. Long wol, bambae i luk olsem se i kat ekonomik kraesis, dipresen mo ol pleg. Be long

olketa we oli spirijual, bambae hem i wan wanda. Yu no lusum fokas blong yu. "Yu no fraet" oli talem tri hundred mo siksti faev taem long Baebol, hemia hem i wan blong evri dei blong yia. Semak olsem we God i prisevem ol man blong Hem long medel blong ol pleg mo trabol mo i mekem se bambae oli kamaot wetem fulap moa rijes bitim bifo, God i kat spirijual Goshen blong olketa we oli lavem Nem blong Hem. Bambae hem i soem difrens bitwin olketa we oli blong wol mo olketa we oli blong Hem.

PROFETIK DEKLEREISEN

Long nem blong Jisas, mi diklerem Lod we i mekem wan difrens blong i soem se hem i strong, insaed long hom blong mi, long famli blong mi, long bisnis blong mi, mo long evri situeisen. Mi stap prosa long pandemik ia. Taem ol narafala man oli stap feil, mi mi stap flae. Taem ol narafala man oli stap foldaan, mi stap raesap. Nomata long jaeant, mi stap konka hem long maefi Nem blong Jisas!

MOA STADI

Malakai 3:17-18



1 Teselonien 4:11

Mo yu stadi abaot hao blong yu stap kwaet, mo blong mekem bisnis blong yuwan, mo blong wok wetem han blong yuwan, olem we mifala i komandem yu;

Fasin blong stap kwaet, hem i moa bitim wan aksen. Hem i wan strateji mo wan skil. Mi luk se i kat tu kaen man we oli stap praktis blong minim blong stap kaet: olketa we oli saksesful long preia mo saksesful long bisnis. Ol man we oli stap prei, mo olketa we oli kat bisnis save mo oli stap flae long saed blong faenans blong olketa, oli lan blong lisen moa bitim toktok. Oli jusum ol toktok we bambae hem i putum olketa long wan posisen blong oli kasem ol opotuniti we bambae hem i kivim fulap benefit long olketa. Oli plan blong mekem samting long saelens, muv sloslo mo long wei we man i no harem, mo oli konka long wan laod wei. Oli lanem blong letem sakses blong olketa i kam nois blong olketa.

Paul i kaonselem Timoti blong letem profit blong hem i kamaot long evri man. Hem i prof-

it we i kamaot, i no proses blong profit. Kilimaot tingting blong anaonsem A kasem Z blong wanem yu stap mekem, ol hop mo ol plan blong yu. Sipos wan kontrak i stap kohed, no tokbaot kasem taem we oli saenem, silim mo kivim. Eklesiastis 3:7 i talem se i kat taem blong man i stap kwaet mo wan taem blong toktok. Save wataem blong diklea mo wataem blong stap kwaet. Sipos i kat wan samting we yu wantem kasem, faenem ol skripja we i rilet long wanem we yu wantem mekem, draonem yuwan insaed long Wod, mo kamaot taem we sakses blong yuwan i save toktok blong hemwan.

PROFETIK DEKLEREISEN

Wisdom blong God i stap wok insaed long mi. Mi save wataem blong toktok, mo wataem blong mi stap kwaet. Mi kat wan sabmarin anointing: Mi fulap wetem Holi Spirit, Wod i fulumap mi mo mi draonem miwan long preia. Bambae mi kamaot wetem viktri mo prokres blong mi bambae man i no save dinaem!

MOA STADI

1 Timoti 4:15



Luk 12:35

Priperem yuwan blong tekem aksen, mo letem laet blong yu i laet.

Yia ia hem i yia blong inkrisim valiu blong yu. Taem yu inkrisim valiu blong yu, yu inkrisim mani blong yu. Wei blong yu inkrisim valiu blong yu hem i blong yu inves long yuwan, mo yu save stat taem yu tingbaot tumoro blong yu. Ol man we oli kat wan poveti maenset oli stap tingbaot tete nomo. Ol man we oli kat wan bilionea maenset oli pripea tete blong ol opotuniti blong tumoro. Sipos yu no redi tete, bambae yu no redi tumoro.

Prepereisen blong yu hem i talem pei skel blong yu. Save blong yu hem i afektem inkam blong yu mo laefstael blong yu. Teken 20 minit aot long evri dei blong impruvum yuwan. Ri-dim wan samting we hem i inlaen wetem koling blong yu. Inves long fisikal tempol. Jatemaot blu print blong fiuja blong yu. Hipi-map infomeisen we bambae i shapenem eria blong fokas blong yu. I nokat samting ia we oli se yu priperem yuwan tumas. Hem i moa gud blong yu ova-pripea bitim we yu anda-kwali-

fae. Hem i wan waes tingting blong priperem yuwan.

PROFETIK DEKLEREISEN

Mi stap redi blong doa blong laef blong mi we i moa bigwan aot long evri doa. Evri dei, mi stap redi blong wan samting we i bigwan. Mi stap ekspandem save blong mi mo inkrisim valiu blong mi. Mi kat wan bilionea maenset.

MOA STADI

Romans 13:11



Jon 1:9

Hemia hem i bin tru Laet, we i laetem evri man we i kam long wol.

Laet i involv long evrisamting we God i mekem. Baebol hem i talem se Hem i stap long laet we man i no save ko klosap long hem. Hem i iven diskraebem hemwan olsem tru Laet. Jisas i talem se, "Mi mi laet blong wol." Afta Hem i tenraon mo i talem se, "Yu yu laet blong wol." Baebol hem i diklerem tu se Wod blong God hem i wan lamp long lek blong yu mo wan laet long rod blong yumi. Yu save weaples blong ko; yu save wanem blong mekem from yu kat laet. Visibiliti mo klariti hem i kam taem we laet i kam insaed long laef blong yu.

Hem i no mata wanem hem i ol sekomstans aotsaed, God i stap wok insaed long yu. Laet blong God i stap shaen insaed long spirit blong yu. Taem yu ridim Gud Nius Deili ia, yu stap risivim laet blong Wod insaed long spirit blong yu. Laet ia i stap mekem se bae yu wekap long ol samting we yu neva bin save se oli stap blong yu. Hem i leftemap yu i ko long wan ples blong

impotens. Andastanding i stap kam long yu naoia, long Nem blong Jisas!

PROFETIK DEKLEREISEN

God i stap tekem mi i ko insaed long wan niu rialiti tru long ilumineisen blong Wod blong Hem. Mi stap wekap long ol raet koneksen. Ol fakolti blong laef blong mi oli stap kam tuketa. Hemia we i bin wanwan olbaot i stap kamkam tuketa. Ol spirijuol ae blong mi oli open, mo laef blong mi i laetap!

MOA STADI

Ifisiens 5:13-14; Sam 119:130

**Romans 11:16**

From sipos fesfrut hem i holi, pael ia hem i holi tu: mo sipos rut i holi, be ol branj tu oli holi.

Hem i imposibol se bae yu bon aot long ol perens blong yu afta yu no kat DNA blong olketa. Hem i divaen disaen blong God se laeknes blong peren i pas i ko long ol pikinini. Yu produsum wanem hem i yu. Hem ia nao mekem se yu no save sakem sid i ko insaed long laef blong wan pasta we i nokat mani afta yu ekspek se bae yu rij. Hem i nokat feit blong tekem yu i ko ova long level blong hem. Sipos hem i no save produsum ol risal long laef blong hem hemwan, hem i no save produsum ol risal long laef blong yu. Jisas i talem, Mi mi Vaen, yufala i ol branj. I kat wan pemanen koneksen we i mekem se wanem we i stap insaed long Hem bambae i stap insaed long yu. Yu stat blong luk olsem man we yu konek i ko long hem. Hemia hem i wan spirijul prinsipol.

Mi mi, i nokat toti i blokem, wan profet, wan Wod man, wan feit man, mo mi kat samting! Hemia hem i hu ia mi; spirijul DNA blong mi.

Mo olketa we oli karem spirijul DNA ia oli ol man blong Wod, ol man blong feit, ol man we oli saksesful long bisnis, mo ol man we oli profetik. I kat wan profetik man insaed long yu. Talem samting we i gud aot long evrisamting abaot yuwan. Stat blong rilisim profetik faea insaed long yu wetem ol konfiden deklereisen blong feit.

PROFETIK DEKLEREISEN

Anointing blong prosperiti hem i stap insaed long DNA blong mi. Ol prodak mo sevis blong mi oli stap kam ol haashol nem. Populariti blong mi i stap spred i ko long ol narafala kantri. God i kivim mi ekstraodineri feva long yia ia, mo mi karem otoriti blong Papa blong mi weaples mi ko.

MOA STADI

Luk 4:14; Jon 15:5

**1 Timoti 4:12**

No letem wan man i no laekem yut blong yu; be yu mekem se yu wan eksampol blong ol biliva, long wod, long konveseisen, long jariti, long feit, long puriti.

"Trenemap wan pikinini long wei we hem i sapos blong ko long hem: mo taem bae hem i olfala, bambae hem i no leko." Hemia hem i wan ves we oltaem ol man oli stap kwotem be samtaem oli no stap andastanem gud. Ves ia hem i rili abaot tijing blong ol pikinini tru long toktok, nomata we hem i kavremap tingting ia. Hem i abaot fasin blong setem an eksampol. Ol pikinini oli stap mekem wanem we oli luk yu stap mekem, oli no mekem wanem we yu talem long olketa blong oli mekem. Mo wan long ol impoten wei we yumi trenem ol pikinini blong yumi hem i folem wanem we oli luk yumi mekem wetem mani. Long nekis ves nomo, hem i talem long yumi wan mein eria we yumi mas trenem ol pikinini blong yumi. "Rij man hem i rul ova long pua man, mo man we i boro hem i seven blong man we i lendem mani." Wijwan long olketa ia nao yu stap soem long eksampol blong yu?

Grik toktok ia we oli transletem olsem "no laekem" long ves blong yumi tete hem i toktok ia kataphroné we hem i minim se man i no tingting hevi long o i luk se wan samting hem i nating nomo. Samtaem ol man oli no laekem ol pua man. Taem oli toktok, i nokat man i lisen, mo samtaem oli stap luk daon long olketa. Be taem ol man we oli kat mani oli toktok, oli mekem wan saon we man i no save iknorem. Disaea blong God hem i blong yu liv wan prosperes laef long fored blong ol pikinini blong yu. Rili, Hem i talem se antap long evri narafala samting, Mi mi wantem se bae yu prosa (Luk 3 Jon 2). Taem we yu soem prosperiti, yangfala blong yuwan bambae hem i folem, mo i nokat man bambae i save luk daon long olketa.

PROFETIK DEKLEREISEN

Paa i kam long mi blong mi prosa long evri eria blong laef blong mi. Mi stap prosa long spirijuol laef blong mi, ol rileisensip blong mi, helt blong mi, mo ol faenans blong mi. Mi stap kivim taet mo mi stap kivim samting. Mi lidim ol pikinini blong mi i ko long prosperiti mo karanti se ol jenereisen blong mi bambae oli kat sakses.

MOA STADI

Ol Proverb 22:6-7

**Jud 1:20**

Be, yufala, ol bilaved, yufala i bildimap yufala long feit blong yufala we i holi moa bitim evri feit, mo yufala i prei wetem Holi Spirit.

Fasin blong spik in tang hem i no wan sikret samting olsem we sam man bambae oli wantem se bae yu bilivim. Hem i wan supanjuro netiv lanwis blong ol Kristian. Hemia nao i mekem se nomata wanem pat blong wol we yu kam long hem, evri Kristian oli save toktok komon lanwis blong ol tang ia. Hem i lanwis blong Spirit, mo hem i wan najuro supanjuro abiliti we oli kivim long yu long taem we yu bon agen. Holi Spirit bambae i no traem blong fosem maot blong yu blong i open. Semak olsem najuro lanwis blong yu blong wol ia, yu openem maot blong yu mo yu ekspek blong toktok. Yu saplaem saon; Hem i saplaem ol toktok. Hem i wan gudfala kopereisen bitwin bodi, spirit, mo Holi Spirit.

Paul hem i bin wan ekstraodineri paoa! Sikret blong bifala impak blong hem hem i bin, "Mi spik in tang moa bitim yufala evrian." Taem yu jatem kos blong yu tru long yia ia, naoia i bitim

bifo, hem i impoten se yu yusum pawaful risos blong spik in tang. Spik in tang i kat plante benefit. Hem i shapenem sensitifiti blong yu long Wod. Hem i kivim instraksen long ol enjel. Hem i ripere eni pat blong laef o bodi blong yu we i bin brok daon. Yu save talem wan wod in tang, mo hem i save kat moa ifek bitim taosen wod long lanwis blong yu blong wol ia. Yu no stap wet from spektakula lukaot bae yu mestem supanjuro. Yu no nid blong wet blong wan spesel filing o ivent blong spik in tang. Yu yu God-kaen mo yu toktok lanwis blong God-kaen. Ekspektem blong toktok. Openem maot blong yu mo stat toktok naoia!

PROFETIK DEKLEREISEN

Taem mi stap spik in tang naoia, mi stap diklerem Wod blong God. Ol maonten oli stap muv. Helt i stap flo tru long bodi blong mi. Ol tingting oli stap flo i kam long mi. Feit blong mi i raesap i ko long wan narafala level, mo ol enjel oli stap sendem olketa blong ko wok long bihaf blong mi.

MOA STADI

1 Korintiens 14:18

**Matiu 11:11**

Mi talem stret long yu, amang long olketa we woman i bonem olekta, i nokat wan we i moa bigwan bitim Jon Baptis: be nomata long hemia, man we hem i smol long kingdom blong heven hem i bigwan bitim hem.

Yu bin notisim se ol laef jaket mo ol sefti klos oli kat braet o fluoresen kala? Braetnes ia i mekem se man we i werem hem i klia moa blong mekem se oli no kasem denja. Sipos trak blong yu i brok daon long saed blong rod, yu save laetem ol imejensi laet o toj blong helpem ol narafala draeva oli luk yu mo atraktem help i kam long yu. Ol laet oli atraktem help. Hem i semak wei long spirijuel wol. Ol enjel oli ol ministaring spirit we oli sendem i kam blong helpem yu. Olketa oli ol bing blong laet, we laet i pulum olketa i ko long hem. Sipos yu nokat laet blong Wod insaed long yu, bambae yu no save luk olketa, mo olketa oli no save luk yu mo kam blong helpem yu.

Iknorens hem i stap inkris long wol. Hem i wan dak ples. Wanem yu nidim hem i moa laet.

Laet blong God insaed long yu hem i kivim yu akses long spirijuel wol. Laet blong God hem i kivim gud tingting long yu. Moa Wod yu kat insaed long yu, bambae yu kat moa laet. Jisas hemwan hem i talem abaot Jon se hem i wan laet we i stap laet mo i shaen. Be ves blong yumi tete hem i talem se iven wan bebi Kristian hem i save shaen moa braet bitim Jon. Letem laet blong yu i shaen, afta adem Wod blong fulem faea mo laet i moa braet.

PROFETIK DEKLEREISEN

Mi mi no save leko Wod. Mi lafet long hem taem dei i stat kasem taem we hem i finis. Evritaem mi ekspos long Wod, laet insaed long mi i laet i stap ko braet we i braet. Mi atraktem mo muvum ol holi enjel we oli redi blong karemaot ol instraksen blong mi.

MOA STADI

Jon 5:35



Kolosens 2:9-10

From long hem hem i kat fulnes blong God hed long bodi blong hem. Mo yu yu komplif long hem, we hem i hed blong evri prinsipaliti mo paa:

Yu no stap kasem sik. Stret long we, i kat wan problem blong sam long yufala from se yufala i bin kasem wan daeaknosis, o yu stap filim ol simtom blong siknes. Be rialiti hem i, yu no save eniting abaot siknes. Mi stap tokbaot ril yu we yu wan bon agen spirit. Yu mas andastandem se yu bodi pat blong Kraes, mit blong mit blong Hem mo bun blong bun blong Hem. Yu yu wan wetem Hem. Yu ting se Kraes i stap sik? No Hem i no stap sik, mo yu tu yu no stap sik.

I kat wan rialiti long Kraes we yu stap wekap long hem, iven naaia taem yu stap ridim hemia. I kat laef insaed long yu i nokat eni samting long wol ia i save stopem. Hemia nao Baebol i talem se man we i stap insaed long yu hem i kat moa paa bitim man we i stap long wol (luk 1 Jon 4:4). Semak laef ia we God i kat hem i stap flo insaed mo tru long yu. Spirit

blong Laef i stap insaed long yu, i stap kivim laef long fisikal bodi blong yu. Bilivim. Diklerem. Divaen laef ia bambae i riplesem evri fom blong siknes we i stap traem blong joenem hemwan long fisikal bodi blong yu.

PROFETIK DEKLEREISEN

Laef blong God insaed long mi i kanselem evri transaksen blong flesh we i no folem loa. Tru long otoriti blong Spirit blong God, mi komandem evri vaeras, lamp, tuma, mo evri kaen siknes blong kamaot long bodi blong mi naaia! Mi mi kambak long laef tru long Spirit blong God we i kivim laef long mi, mo mi kat laef, long Nem blong Jisas!

MOA STADI

Ifisiens 5:30

**Ifsiens 5:15-16**

Yu lukluk se wokbaot blong yu hem i stret, i no olsem ol kranke man oli wokbaot, be olsem ol waes man, yu karembak taem from ol dei oli ivel.

Hem i wan gudfala taem blong man i laef long hem long Et! Mi save se yu stap lukluk raon long ol problem mo konfusen we i stap hapen long wol, be hemia hem i no blong yu, pikinini blong God. Yu nokat pat long hemia. Rapja hem i stap kam klosap. Hemia hem i minim se yu kat wan unik Janis blong liv bes laef blong yu long Et olsem we i stap long taem naoia. Hemia wantaem! Bambaie yu nomo kat wan narafala Janis olsem. Yes, taem bambaie i kam we bambaie yumi rein long Et. Be hemia bambaie hem i wan niufala plan oltuketa!

Yu yu wan God-kaen, wan supanjurool spirijual bing we i stap rul mo rein ova long ol limiteisen blong najurool laef ia. Raet naoia, long speis bitwin presen taem mo rapja, yu kat Janis blong eksperiensem fulnes blong God long wan wei we man i save eksperiensem taem yu stap

long motel flesh. Tekem ful advantej long taem ia mo liv bes laef blong yu naoia!

PROFETIK DEKLEREISEN

God i jusum mi wetem han blong hem blong manifestem glori blong Hem long taem ia mo dispenseisen. Mi mi ansa blong ol krae blong et. Bambaie mi tanem wol ia apsaed daon blong Jisas!

MOA STADI

Romans 8:18-19



HAVE YOU RECEIVED JESUS CHRIST YET?

WE INVITE YOU TO MAKE JESUS CHRIST
THE LORD OF YOUR LIFE BY PRAYING THIS PRAYER,

"O LORD GOD, I COME TO YOU IN THE NAME OF JESUS CHRIST.
I BELIEVE WITH ALL MY HEART IN JESUS CHRIST, SON OF THE
LIVING GOD. I BELIEVE HE DIED FOR ME AND GOD RAISED HIM
FROM THE DEAD. I BELIEVE HE'S ALIVE TODAY. I CONFESS WITH
MY MOUTH THAT JESUS CHRIST IS THE LORD OF MY LIFE FROM
THIS DAY. THROUGH HIM AND IN HIS NAME, I HAVE ETERNAL
LIFE. I'M BORN AGAIN. THANK YOU LORD, FOR SAVING MY
SOUL I'M NOW A CHILD OF GOD. HALLELUJAH!"

CONGRATULATIONS! YOU ARE NOW A CHILD OF GOD.

TO RECEIVE MORE INFORMATION ON HOW YOU CAN GROW
AS A CHRISTIAN, PLEASE GET IN TOUCH WITH US ON

UK: +44 3333 448 612

USA +1 240 781 6942

RSA +27 51 004 0209

SCRIPTURE PASSAGE FOR PROTECTION

ISAIAH 54:

14 I AM BUILD SOLID, GROUNDED IN
RIGHTEOUSNESS,
FAR FROM ANY TROUBLE—NOTHING TO
FEAR!
FAR FROM TERROR—IT WON'T EVEN COME
CLOSE!

15 IF ANYONE ATTACKS ME,
I WILL NOT THINK FOR A MOMENT THAT
GOD SENT THEM,
AND IF ANY SHOULD ATTACK ME,
NOTHING WILL COME OF IT.

16 GOD CREATED THE BLACKSMITH
WHO FIRES UP HIS FORGE
AND MAKES A WEAPON DESIGNED TO KILL.
HE ALSO CREATED THE DESTROYER—

17 BUT NO WEAPON THAT CAN HURT ME
HAS EVER BEEN FORGED.
ANYONE WHO ACCUSES ME
WILL BE DISMISSED AS A LIAR.
I AM GOD'S SERVANT SO THIS IS WHAT I CAN
EXPECT
GOD WILL SEE TO IT THAT EVERYTHING
WORKS OUT FOR THE BEST FOR ME."

THIS IS WHAT GOD SAYS TO ME AND
IT WILL NOT FAIL IN JESUS'S NAME!



The Good News World Helplines

USA: +1 (240) 781-6942

UK: +44 333 344 8612

RSA: +27 (51) 004-0209

www.goodnewsworld.com